

5. Mwankane ivya mu Umi

Wayu umulimo witu nga Kaungwe Kaumi ukwankana nayauze, ichilonganilo citu na aikala muzi pa vintu vino twa manya.

Mwankane ni lumba linu

- Vino mwasambilila mwankanyeko auzo.
- Lekini cicinje nu kupiliula umwendo winu.
- Lino umwendo winu wapiliulwa, ni micitile inu ima cinja.
- Antu yauze lino yalola vivyo yalatemwa ukumanyilapo ivingi pali lwakwe Yesu.

Mwankane na aikala muzi

- Muzingulushe amanso inu ukuyantu.
- Uzye vyani ivikulondekwa uku ikala muzi? Pamwi ni iumba linu mungaombela antu umu muzi winu.
- Pamwi ni umba linu munga panga icipusaneko.

lumba linu lifwile ukusambilila ivya citemwiko cakwe Yesu lelo nupya yafwile nukulanga icitemwiko kwene kuli yayo aya zingulwike. lumba lifwile ukulonda ivikulondekwa ukuikala muzi nupya yezye na maka yonsi ukuyazwa. Amaumba yamwi yalima imiyanda kuti yazwe apina, na yauze yazwilizye akote na ana yansiwa. **Lyene, ivyani vino iumba linu linga omba?**

Mwankane naya katungulula yano mukuomba mu 'klasita'

Yakatungulula ya maumba mu ncende ili imwi mukomenkana pamwi na yakatungulula ya maumba yauze, cila mwezi. Tukaama ukulongana kwa musango u 'klasita'.

Mukulongana konsi tukapepela pamwi, tukalanda intazi zitu na ma wavya. Tukomelezanyane umuze nu muze umukulanzyanya kwitu.

Tukatungilila cila muntu ukuomba umulimo uno Leza wamwamilako.

6. Amaumba Yaumi Ichilemwa

Amaumba Yaumi yatafwile ukuya icili cimwi pansita itali. Mufwile lyonsi mukwama antu yanya ukuilundamo. Lino lumba lyalongana apansita, lumba linu lifwile lyezya na maka ukulema ichilemwa ci lumba Lya Umi lyuze ilipalime. Mungalema nanti munga panga amaumba aingi yano mukulonda.



LONDELEZINI yayo angiza yaye intunguluzi zya mpomvu



YASAMBILIZINI vino utunguluzi waya lyene **MULEME** iumba lipya mukasi nanti umupipi na aikala muzi



TUNGILILINI iumba lipya na katungulula



ZUMILIZINI katungulula ni umba ukuombela



AMINI katungulula mupya ukukomenkana umuku onga pa mwezi mu ncende mu 'klasita'



UKWIUSIWA kwi umba lipya llyampiti vifwile ukulacitwa insita zimwi

Foni na Email yane:

Twayelapo uku mwazwa

Dignity UK Ofesi: hello@dignityonline.org.uk

Amaumba Yaumi

Uzye ivyani? Uzye yakaomba uli?



Amaumba Yaumi antu apusane pusane akakomenkana konsi konsi wakwe ukusukulu, mwisika lya muti nanti umu ma ng'anda. Yakasambilila pamwi pali vyakweYesu nukuombela pamwi nu kuleta usuma ukuikala muzi.

1. Umuntu wensi wakwata ichakucita

Umwi Umba Lya Umi umuntu wensi waya umupokelelwe, usi mulandu na vino yali nanti vino yangatemwa ukuomba.

Mwame ya cuza inu aina mupalamano, antu kufuma umu vilonganilo vyonsi nakuli yonsi a silongana. Ali wensi angazanwamo. Yesu weni wakweti insita yakuya pamwi naya cilende pamwi naya kaifya, nanti sile atazumilizye incitilo zyao wayalanzile ichitemwiko. Muntu wensi waya umupokelelwe nupya alinzile ukusakamalwa.

Welenga Imilimo 2:42-47. Wakwe vino lčilonganilo ca kutandikila cacitanga-mwakomenkana lili lili, sambilizini, mwayankana, mwa pepa nu kwazwana.

Katungulula afwile ukupekanyizizya lumba Lya umi ukulongana, lelo kusi kuomba vyonsi. Tunga sambilila kuli cila muntu. Ali wensi angaomba imbali yakwe. Pansita yuze munga sambilizya na yauze ukutungulula ukulongana.

Intampulo zikankala izya kulongana kwi Umba Lya Umi

1. Incende yakulonganila ifwile ukuya incende ino ali wensi anga kwanisha. Cingaya apa ng'anda, mwisika lya muti, mumbali ya vyalo nanti api sukulu.
2. Mwalongana cila mulungu, insita ili imwi ni ncende ili imwi.
3. Tandikini pansita, nukumalila pansita isuma pakuti antu yangelenganya nukucita vyuze ivikulondekwa.

1 Akolinto 12:12-31. Sweswe vilundwa vya mwili wakwe Klistu nupya ali wensi umu mwili uu akwete imbali ino anga cita.

2. Amaumba aka cinja uumi

Ukutungulula Amaumba Yanono

Lumba Lya Umi lyonsi likapelwa iviombelo ivyakuomvya cila mulungu. Konkini ulupapulo. Mutacilukapo ukulanzanyanya, ivilangililo nanti ivyangalo. Lumba linu likulondesha ukusambilila vivyo kwene ningo.

Ezya ukuntalanda sana insita itali. Ku ukukomenkana sile isi insita yakukosola. Zumilizini nayauze yalandepo – tunga sambilila kuli wi nu kumuze.

Mutazumilizya umuntu wenga ukulanda pansita itali sana, lelo komelezini naya cinta vwanga nayo yawwangeko.

Komelezini yantu ukuya acisinka umungasuko zyao. Ya zwilizini kuti yazane inzila zino yanga onvya muli vino yasambilila uku vika umu mulimo. Ulupapulo lu lunga mwazwa sana muli vii.

Leza akulonda tucinjiziwe cipya cipya

Welenga Mateo 28:19-20. Tufwile ukupanga alondezi akukonka Yesu asi antu akuya sile uku kulongana. Zumilizini Umupasi wa Muzilo ukucinja lumba linu, pakuti yangaombela Leza na aikala muzi.

Peleni uumi winu upya komelezini na yauze ukuomba ndi vino mukuomba. Muye icilangililo umumi vwangile nu movintu vino mukucita. Zumilini ukuviluo vino mungapanga.

Pempulini wenga nanti yaili antu amwi umba linu mukasi ka mulungu. Yalangini ukutemwa nupya yacincizini ukuomba nukukonka Leza umu umi wao onsi.

Apansita yuze cincizini nayauze ukupempula nu kuomba. Ali wensi umwi umba afwile ukuomvya ivyaupe vino wapelwa.

3. Ukwazwiliziwa na Mupasi wa Muzilo

Umupasi wa Muzilo ukatupanga ukukolana na Yesu

Tukaya umuntu mupya lino twakonka Yesu. Tukavyalwa cipya cipya nga aana yakwe Leza. Iciumbwa cipya. Twapangilwa ukwikala pa mulandu wakwe Yesu asi apali sweswe swenga awe.

Welenga 2 Akolinto 5:14-21

Umupasi wa Muzilo ukatwazwa sweswe

Limwi tungalola kwati itutitikiziwa. Nukukana taila kuti tunga kwanisha umulimo uno twapelwa. Ukutungulula lumba LyaUmi cingaya icitale nupya icicuzye ukuomba. Tufwile twiushe kuti Leza akatuma Umupasi wa Muzilo nupya na antu ya mwi umba kuti yatwazwe. Twiushe kuti isi ncito itu ukupiliula antu, uo mulimo wakwe Leza. Tufwile ukusambilizya, ukwikala uumi usuma, ukucincizya nu kusila Leza kuti aombe ivyashala. Usi wenga umu mulimo uu.

Welenga Aloma 8:26-27

4. Itumpemo

Ukuya umwina Klistu umu muzi numu ikala muzi, cikapiliula ukuitumpamo. Mungazana uwasuko nukwazwa antu yayo ali ni ntazi.

Yesu uwa tupuswishe watupela vi vyonsi. Uumi wakwe Leza uwaya muno tuli ukaisokolola ukwi umba nu ku ikala muzi. Aklistu ya mponvu yasimanyikilwa ukukukosola nanti uku ulonsi wao. Lelo yakamayikilwa uku vizao vyao. Ivizao vyao ili miyele na vino yakacita uli umi wao.

Welenga Luka 6:43-49 na Galatiya 5:22-23